

Ҳайз ва нифосли аёллар рўзани нима қилади?

16:02 / 24.04.2016 3793

Аёллар рўзаси ҳақида, яъни ҳайз ва нифос вақтидаги рўза ҳақида тушунтириб берсангиз. Бундай вақтда тутилмаган рўзага қазо тутиладими ёки йўқми?

ЖАВОБ: Бисмиллаҳир Роҳманир Роҳийм

Ҳайз ёки нифос кўрган аёлга рўза тутиш вожиб эмас, балки, мумкин ҳам эмас. Чунки, нифос ёки ҳайзли бўлатуриб тутилган рўза умуман рўза бўлмайди.

Аёллар Рамазонда ҳайзли ё нифосли бўлиб қолсалар, покланганларида қазосини тутиб берадилар.

Муоза розияллоҳу анҳодан ривоят қилинади:

«Оишадан:

«Нима учун ҳайзли аёл рўзанинг қазосини тутуди-ю, намознинг қазосини ўқимади?» – деб сўрадим.

«Сен Ҳарурийямисан?!», – деди.

«Мен Ҳарурийя эмасман, лекин сўраяпман, холос», – дедим.

«Бизга шу ҳол етганда, рўзани қазо қилишга амр этилар эдик ва намозни қазо қилишга амр қилинмас эдик», – деди».

Бешовлари ривоят қилишган. Валлоҳу аълам.